

Na osnovu člana 87. alineja 1. i 4., te člana 30. Statuta SDP BiH, Predsjedništvo Socijaldemokratske partije Bosne i Hercegovine na hitnoj telefonskoj sjednici održanoj 01.12.2020.godine donosi:

### **ODLUKU**

o raspuštanju Opštinske organizacije SDP BiH Srebrenica i isključenju Bege Bektića iz članstva SDP BiH

#### **I**

Raspušta se Opštinska organizacija SDP BiH Srebrenica i svi njeni organi.

#### **II**

Bego Bektić dosadašnji predsjednik organizacije isključuje se iz članstva SDP BiH.

#### **III**

Predsjedništvo SDP BiH će nakon sagledavanja situacije i razgovora sa aktivistima donijeti odluku o imenovanju Povjereništva koje će u suradnji sa zaduženim članovima Predsjedništva SDP BiH pripremiti izbor organa Opštinske organizacije Srebrenica.

#### **IV**

Ova Odluka stupa na snagu danom donošenja, a na svojoj prvoj sjednici o njoj će se izjasniti Glavni odbor SDP BiH.

### **OBRAZLOŽENJE**

Imajući u vidu aktivnosti koje provode nadležni državni organi, a koji se tiču sumnji da je došlo do povreda izbornog procesa u Srebrenici u kojima je jedan od osumnjičenih aktera i predsjednik opštinske organizacije SDP Srebrenica Bego Bektić, Predsjedništvo SDP BiH je na hitnoj telefonskoj sjednici održanoj 01.12.2020.godine donijelo odluku kao u dijapozitivu.

Imajući u vidu činjenicu da je SDP BiH jedan od nosilaca aktivnosti na zaštiti integriteta izbornog procesa, da je predsjednik OO SDP BiH Srebrenica Bego Bektić svojim djelovanjem grubo povrijedio Statut SDP BiH, prekršio odluke organa SDP BiH, da je osumnjičen za narušavanje i zloupotrebe u izbornom procesu, što je samim indicijama nanijelo nesagledivu političku štetu SDP BiH, da bi provođenje posebnog postupka samo dodatno nanosilo političku štetu SDP BiH i onome što zagovaramo i za šta se borimo Predsjedništvo SDP BiH je donijelo Odluku o raspuštanju opštinske organizacije SDP BiH u Srebrenici i svih njenih organa, te isključenju Bege Bektića iz članstva SDP BiH.

Odluka stupa na snagu danom donošenja, a na prvoj sjednici Glavnog odbora SDP BiH treba biti potvrđena. Protiv Odluke Glavnog odbora nezadovoljna stranka će moći izjaviti žalbu.



Predsjednik SDP BiH

Nermin Nikšić